

全上古三代秦汉
六朝文

陈后魏

第九
十册

全後魏文卷八

烏程嚴可均校輯

宣武帝

帝諱恪孝文帝第二子太和二十一年立爲皇太子二十三年四月卽位改元四景明正始永平延昌在位十六年謚曰宣武皇帝廟號世宗

詔荅王肅

太和二十三年十一月

覽奏倍口崩絕未足已上酬勳德且可如奏

魏書彭城王勰傳

聽高閭致仕詔

閭貞幹早聞儒雅素著出內清華朝之雋老已年及致仕固求辭任宜聽解宗伯遂安車之禮特加優授崇老成之秩可光祿大夫金印紫綬使散騎常侍兼吏部尙書邢巒就家拜授

魏書高閭傳世宗踐阼閭

累表遜位詔云云

賜餞高閭詔

閭歷官六朝著勳五紀年禮致辭義光進退歸軒首路感悵兼懷
安馴簾金漢世榮貺可賜安車几杖輿馬繪綵衣服布帛事從豐
厚百寮餞之猶昔羣公之祖二疏也

魏書高閭傳

裴叔業曰壽春內屬下詔

景明元年正月丁未

叔業明敏秀發英款早悟馳表送誠功高振古宜加褒授曰彰先
覺可使持節散騎常侍都督豫雍兗徐司五州諸軍事征南將軍
豫州刺史封蘭陵郡開國公食邑三千戶

魏書裴叔業傳

復授彭城王勰司徒詔

景明元年二月

五教治樞古難其選自非親賢兼切莫應斯舉王曰明德懋親任
屬保傅出居蕃陝入御衮章內外克諧民神攸屬今董率戎麾威
號宜重可復授司徒曰光望實

魏書彭城王勰傳

荅元嵩謀取沔南詔

景明元年

所陳嘉謀深是良計如當機形可進任將軍裁之

魏書任城王附傳

淮南平遣鄭道昭勞彭城王勰詔

景明元年八月

王威尊上輔德勳莫二孤心昧識訓保攸憑比已壽春初開鎮壓任重故令王親董元戎遠撫淮外冒茲炎蒸衡蓋飄飄經略踰時必有虧損淹達詣覲夙夜係情兼制勝宣規威効兼著公私允稱義所欽嘉雖凱旋有期無申延屬可遣給事黃門侍郎鄭道昭就彼祇勞

魏書彭城王勰傳

東堂引見彭城王勰詔

景明元年十月

比鳳凰未一

疑

蒼黎二化故仰屈尊謨綏懷邊附而寇豎昏迷敢

關淮楚叔父英略高明應機殄定凱旋今辰伏慰悲佇

魏書彭城王勰傳

分陳郡儲粟賑豫州詔

景明初

眞度所表甚有憂濟百姓之意宜在拯卹陳郡儲粟雖復不多亦

可分贍尙書量賑已聞

魏書薛安都附傳豫州大饑薛眞度表詔云云

詔責吐谷渾伏連壽

景明初

梁州表送卿報宕昌書梁彌邕與卿並為邊附語其國則鄰藩論其位則同列而稱書為表名報為旨有司曰國有常刑殷勤請討

朕慮險遠多虞輕相構惑故先宣此意善自三思

魏書吐谷渾傳

詔荅郭祚

景明初

企向成立且為本鄉所樂何為捨此世襲更求一限

周書泉企傳企襲父爵丹

水伯世領本縣令時吏部尚書郭祚曰企年少未堪宰民請別選遣終此一限令企代之宣武帝詔

報任城王澄立學詔

景明初

胄子崇業自古盛典國均之訓無應久廢尚書更可量宜脩立

魏書

任城王傳

分遣大使黜陟詔

景明二年正月壬戌

朕幼承寶祚艱憂在疚庶事不親風化未洽今始覽政務義協維新思使四方風從率善可分遣大使黜陟幽明

魏書宣武紀

詔于烈

景明二年正月

諸父慢怠漸不可任今欲使卿曰兵召之卿其行乎

魏書于栗磾附傳

聽彭城王勰釋位歸第詔

景明二年正月庚戌

王宿尚閒靜志捐世務先帝愛亮之至弗奪此情遣敕炳然許遂
冲退雅操不移朕亦未敢違奪今乃釋位歸第丘園是營高尚之
節確爾貞固賁履之操邈焉難追而王宅初構財力多闕成立之
期歲月莫就可量遣工役分給材瓦稟王所好遽令制辦務從簡

素曰稱王心

魏書彭城王勰傳

遣咸陽王禧等還府司詔

景明二年正月

恪雖寡昧忝承寶厯比纏疔疹實憑諸父苟延視息奄涉三齡父
等歸遜殷勤今便親攝百揆且還府司當別處分

魏書咸陽王禧傳

咸陽王禧北海王詳進位詔

景明二年正月

朕曰寡昧夙罹閔凶憂勞在疚罔知攸濟實賴先帝聖帝遺澤所

覃宰輔忠賢劬勞王室用能撫和上下肅清內外乃式遵復子歸政告遜辭理懇至邈然難奪便當勵茲空乏親覽機務王尊惟元叔道理淵凝可進位太保領太尉司空北海王季父英明聲略茂舉可大將軍錄尚書事

魏書咸陽王禧傳

荅盧昶奏鼠咎詔

景明二年

朕纂承鴻緒伏膺寶厯思靖八方惠康四海當必世之期麟鳳不降屬勝殘之會白鼠告咎萬邦有罪實惟朕躬尚書敷納機猷獻替是寄讜言有聞朕實嘉美

魏書盧玄附傳

正調外蠲罷詔

景明二年三月乙未朔

比年以來連有軍旅役務既多百姓彫敝宜時矜量已拯民瘼正調之外諸妨害損民一時蠲罷

魏書宣武紀

嚴勒守宰詔

景明二年三月辛亥

諸州刺史不親民事緩于督察郡縣稽遲旬月之間纔一覽決淹

獄久訟動延時序百姓怨嗟方城困敝尙書可明條制申下四方
今日親庶事嚴勒守宰不得因循寬怠虧政

魏書宣
武紀

省官詔

景明二年三月壬戌

治尙簡靜任貴應事州府佐史除板稍多方成損政無益政道又
京師百司寮局殷雜官有閒長者亦同此例苟非稱要悉從蠲省

魏書宣
武紀

報北海王詳詔

景明二年五月

一人之身愆不累德形乖性別忠逆固殊是曰父殛子興義高唐
世弟戮兄登迹顯周魯禧之與國異體同氣旣肆無君之逆安顧
弟友之親叔父忠顯二朝誠貫廟社實勛贊冲昧保乂鴻猷豈容
呂微介之慮忘阿衡之重貂章卽曰敕還願不再述祚屬眇躬言
及斯事臨紙慙恨惋慨兼深

魏書北海王詳傳咸陽王禧之
謀反也詳表求解任詔云云

敦諭彭城王勰詔

蓋二儀分象君臣之位形焉上下既位唱和之義生焉自古統天
位主曷嘗不賴明師仗賢輔而後燮和陰陽彝倫民物者哉往而
不返者先民誠有之斯所謂欲潔其身而亂大倫山林之士耳賢
人君子則不然也屈己已安民艱身已濟物所謂已先知覺後知
同塵而與天下俱潔者也朕猥已已冲年纂臨寶厯實賴叔父匡濟
之功誠宜永兼將相已已綱維內外但逼奪先旨憚違冲挹俛志割
心已已遂高素自比水旱乖和陰陽失序是已已屈王論道庶燮茲玉
燭且師宰從容無廢清尚故周旦復辟而居之尚父期頤已已終位
王義兼家國理絕獨高可遣侍中敦論

魏書彭城王勰傳

參定禘禘儀注詔

景明二年六月

禮貴循古何必改作且先聖久遵綿代恆典豈朕冲闇所宜革之
且禮祭之議國之至重先代碩儒論或不一可付八座五省太常
國子參定已已聞

魏書禮志二

遣賻王肅詔

景明二年七月

肅奄至不救痛惋兼懷可遣中書侍郎賈思伯兼通直散騎常侍撫慰厥孤給東園祕器朝服一襲錢三十萬帛一千匹布五百匹蠟三百斤并問其卜遷遠近事遣侍御史一人監護喪事務令優

厚

魏書王肅傳

令王肅葬京陵詔

景明二年

死生動靜卑高有域勝達所居存亡崇顯故杜預之歿窆于首陽司空李冲覆舟是託顧瞻斯所誠亦二代之九原也故揚州刺史肅誠義結于二世英惠符于李杜平生本意願終京陵既有宿心宜遂先志其令葬于冲預兩墳之間使之神遊相得也

魏書王肅傳

詔報源懷

景明二年十一月

不君不臣江南常弊有粟不食其在斯矣上天將欲亡之諸蕃又願取之人事天道孰云匪會但曰義害人者不爲且十月五日衍

軍已達大航其大傷小亡之勢久應有浹假令天罰寶卷衍兵獲
進則衍之主佐又是亂亡遺孽皇靈其能久祐之乎今之所矜者
正呂南黔企德邊書繼至殄悴之氓理須救接若爾者揚州兵力
配積不少但可速遣任城委呂處分別加慰勉令妙盡邊算也

魏書

源賀
附傳

報裴衍請隱嵩高詔

景明二年

知欲養病中岳鍊石嵩嶺棲素雲根餌芝清壑騰迹之操深用嘉
焉但治缺古風有愧山客耳既志往難裁豈容有抑便從來請

魏書

裴叔業
附傳

埋瘞骸骨詔

景明三年二月

自比陽旱積時農民廢殖寤言增愧在予良多申下州郡有骸骨

暴露者悉可埋瘞

魏書宣
武紀

遣迎蕭寶寅詔

景明三年閏四月

大四百四十五
小六十五

蕭資負深識機運歸誠有道冒險履屯投命絳闕微子陳韓亦曷

已過也可遣羽林監領主事劉桃符詣彼迎接其資生所須之物

及衣冠車馬在京邸館付尙書悉令預備

魏書蕭實負傳

報高顯等請勒銘射宮詔

景明三年十月

此乃弓弧小藝何足已示後葉而喉唇近侍苟已爲然亦豈容有

異便可如請

魏書高聰傳世宗幸鄴還于河內懷界帝親射矢一里五十餘步侍中高顯等奏請勒銘射宮詔云云遂

刊銘于射所聰爲之詞

從御舊都詔

景明三年十一月

京洛兵燹歲踰十紀先皇定鼎舊都惟新魏厯翦埽榛荒勦茲雲

構鴻功茂績規模長遠今廟社乃建宮極斯崇便當已來月中旬

蠲吉從御仰尋遺意感慶交衷既禮盛周宣斯干之制事高漢祖

壯麗之儀可依典故備茲考古已稱遐邇人臣之望

魏書宣武紀

詔任城王澄

景明三年十一月

將軍文德內昭武功外暘奮揚大略將蕩江吳長旌始舒賊徒懾
氣銳旅方馳東關席捲想江湖弭波在旦夕耳所送首虜並已聞

之

魏書任城王澄傳

躬勸農桑詔

景明三年十二月

民本農桑國重蠶籍桑盛所憑冕織攸寄比京邑初基耕桑暫缺
遺規往旨宜必祗脩今寢殿顯成移御維始春郊無遠拂羽有辰
便可表營千畝開設宮壇秉耒援筐躬勸億兆

魏書宣武紀

旱災察冤獄詔

景明四年四月

酷吏爲禍綿古同思孝婦淫刑東海燹壞今不雨十旬意者其有

冤獄乎尙書鞠京師見囚務盡聽察之理

魏書宣武紀

詔百司

景明四年十二月

先朝制立軌式庶事惟允但歲積人移物情乖情比或擅有增損
廢墜不行或守舊遺宜時有舛妨或職分錯亂互相推委其下百

司列其疑闕速呂奏聞

魏書宣武紀

報元英詔

景明四年

學業墜廢爲日已久非一使能勸比當別敕

魏書南安王禎附傳元英奏求遣使就郡

校練學生詔

詔奪元鸞祿一周

景明中

鸞親嗟宗懿作牧大州民物殷繁綏寧所屬宜克已厲誠崇清樹惠而乃驟相徵發專爲煩擾編戶嗷嗷家懷嗟怨北州士廣姦亂是由準法尋愆應加肅黜呂鸞威屬情有未忍可遣使者曰義督責奪祿一周微示威罰也

魏書城陽王長壽附傳長壽次子鸞爲青州刺史轉定州刺史繕起佛寺公私

費擾頗爲民患世宗聞而詔

詔依禮治趙郡王母子罪

妾之于女君猶婦人事舅姑君臣之禮義無乖二妾子之于君母

禮加如子之恭何得黷我風政可付宗正依禮治罪

魏書趙郡王幹附傳幹妃

穆氏表謚母趙等悖禮愆常不遜
日甚尊卑義阻母子道絕詔云云

授源懷爲馮翊公詔

景明中

宿老元臣云如所訴訪之史官頗亦言此可依比授馮翊郡開國

公邑九百戶

魏書源
賀附傳

報源懷詔

景明中

省表具卹民之懷已敕有司一依所上下爲永準如斯之比不便

于民損化害政者其備列已聞

魏書源
賀附傳

原裴植詔

植闔門歸款子昕愚昧爲人誘諂雖刑書有常理宜矜恤可特恕

其罪已表勲誠

魏書裴叔業附傳叔業兄子植入爲大鴻臚
卿後已長子昕南叛有司處之大辟詔云云

詔詰宋翻

卿故違朝法豈不欲作威已買名

魏書宋翻傳初翻爲河陰令縣
有大枷號曰彌尾青肉監楊小

駒請縣請事命取尾青已鑑
之既免入訴于世宗詔云云

呂侯剛爲右衛大將軍詔

太和之季蟻寇侵疆先皇于不豫之中命師出討撫戎暴露觸御
乖和朕屬當監國弗獲隨侍而左右服侍唯藉忠勤剛于違和之
中卒勤行飪追遠錄誠宜先推敘其呂剛爲右衛大將軍

魏書恩倖侯剛

盧道將襲爵詔

景明末

長嫡承重禮之大經何得輒授也

魏書盧立附傳盧淵子道將襲父爵而讓其第八弟道舒有司

奏聞宣武詔

徙趙脩詔

小人難育朽棘不彫長惡不悛豈容撫養散騎常侍鎮東將軍領
扈左右趙脩昔在東朝選充臺阜幼所經見長難遺之故纂業之
初仍引西禁雖地微器陋非所宜采然識早念生遂陞名級自蒙
洗濯兇昏日甚驟佞薦僞恩加輕慢不識人倫之體不悟深淺之

方陵獵王侯輕卑卿相門賓巷士拜叩不接囂氣豪心仍懷鄙塞
比聽葬父侈暴繼聞居京造宅殘虐徒旅又廣張形勢妄生矯託
與雍州人趙僧擲等陰相傳納許受玉印不軌不物日月滋甚朕
猶愍其宿隸每加覆護而擅威弄勢侏張不已法家耳目並求憲
綱雖欲捨之辟實難爽然楚履既墜江君徘徊鐘牛一聲東向改
釁脩雖小人承侍在昔極辟之奏欲加未忍可鞭之一百徙敦煌
爲兵其家宅作徒卽仰停罷所親在內者悉令出禁朕昧于處物
育茲豺虎顧尋往謬有愧臣民便可時敕申沒已謝朝野魏書趙脩傳

又詔任城王澄

正始元年二月

鍾離若食盡三月已前固有可剋如至四月淮水泛長舟行無礙
宜善量之前事捷也此實將軍經略勳有常焉如或已水盛難圖
亦可爲萬全之計不宜昧利無成已貽後悔也魏書任城王澄傳

免北海王詳爲庶人詔

正始元年五月丁未朔